

րին ի գիշերը եւ ի առւընջեան, յորս երկրորդում աւուր եկն զայմախամ Իսմայիլ փաշա եւ նստաւ. եւ ետես զՊէզդէստանն փակ պահեալ զԲ գիշերն, հրամայեաց բաց մնալ, և այնու առաւել խրախճանային: Եւ յերրորդի աւուր մինն ի կանանց յղի գոլով՝ ի բազմութենէ ամբոխին նեղացեալ վիժեաց զտղայն. եւ լուեալ եասաղ արարին, զի ի կանանց ոչ ոք երեւէր ի շուկայս եւ ի փողոցս յաւուրսն յայնոսիկ^(*):

Զայս լուեալ Հասանիքն զօրանային, կատաղէին, յարձակէին, արչաւէին, գային, մերձենային և նրստէին ի դաշտն Պրուսայոյ անհուն բազմութեամբ զօրաց եէնկիւզերոց, սփահոց, աղաներաց, փաշայից ժէ-ից:

Եւ թագաւորն լուեալ զայս առաքէ հրաման այսպէս թէ Դու որ իմ սիրելի լալայ ես՝ եթէ զամենայն թագաւորութիւնս քրիստոնէից խափանեալ՝ բերցես ինձ, չես ինձ արժանի, այլ ի հասանել գորոյս թարց պատճառանաց վաղվաղակի հասցես աստ: Եւ նա (Քէօփրիւլին) ել եւ գայր յէտրէնէ առ թագաւորն, եւ ոչ նստեալ անդ աւուրս ինչ, այլ ամենայն զօրօք և մեծամեծօք ընդ թագաւորին եկեալ նստան մերձ ի քաղաքս ի պաղատն կայսերական ի կողմս արեւմտեան, որ ասի Տաւութ փաշա, ի Հոկտեմբեր ամսոյ ժԴ-ն:

Եւ յերրորդ (աւուր) գալոյ նոցին (16 Հոկտ. Շաբաթ) անկաւ կրակ ի չարսու և անցանէ դնայ մինչ ի Սուլթան Պայազիտ և մի ծայրն՝ ի Ղաֆաֆն և մի ծայրն Պարմաղափուռովն և Եայճուովն առ Տիւանեօլին հարաւակողմովն: Եւ վէզիրն ելեալ անտի եկն ի Քէհատխանան

1) խաբանեալ.

(*) Լուս. Աստ գրէ զեւումն հարեղին յերրորդ աւուր գալոյ Իսմայիլին: